

平湖縣志卷十五

署知縣張力行纂修

人物志 六

列女

國朝

沈氏馮俞言妻年三十夫歿撫孤紀常成立復
天媳胡氏年二十九遺孤堯眉兩世冰霜恩勤
教育得綿宗祀沈氏守節五十年卒胡氏守節
四十八年卒

平湖縣志

卷十五

人物

列女

一

吳氏沈以純妻年二十八夫歿子日智甫四歲
家貧僅奩產二十畝又為姪賣置不校勤十指
以供饘粥疾篤子以藥進氏曰向之不死以汝
幼故今幸有成死初志也言已遂卒守節十七
年

俞氏仁和教諭俞均女年二十四歸陸世楷季
子奐勲纔六月夫歿氏適歸寧聞訃歸觸棺破
額號慟欲死姑曰汝有遺腹幸生子庶慰朝夕
何輕身為遂不敢言死曲意承歡生子載琮殤

於痘嗣姪生孫又相繼死守節五十五年卒
吳氏張燧繼室年二十七夫歿子慧遠甫六歲
撫孤存祀矢志苦守積鍼膏餘貲安葬翁姑及
夫守節二十一年卒
盧氏周序大妻年二十六夫歿家赤貧連喪三
子止存幼子鶴嘉或勸改適泣然曰吾名家女
何忍萌此心從兄刺史生甫聞而義之迎養於
家命與媳沈貞女伴後與貞女先後死守節五
十一年卒

平湖縣志

卷十五

人物

列女

二

馮氏朱葵階妻二十二夫亡撫二齡孤文毅婚
娶成立守節三十七年卒彭學使給勁節貽麻
額

陳氏陸載陶繼室年三十夫亡無子立姪導鑄
爲嗣守節四十一年卒

曹氏庠生黃流妻年十九適流半載而寡撫嗣
子光義爲嗣守節六十五年卒

沈氏年十九爲貢生張友德妾一載而寡晝夜
號慟誓不改適其母逼之嫁氏截髮毀容乃止

事嫡陸氏甚謹嫡死依嫡子逢年永年長齋奉
佛守節五十五年卒

徐氏毛洪藩妻年二十九而寡撫三孤長育婚
配守節四十五年卒

顧氏候選縣丞江澣妾年二十八澣歿隨大婦
劉氏同心苦守撫立遺腹體元守節三十三年
卒督學竇光鼎獎額曰冰雪雙清

黃氏曹久封妻年二十九夫歿氏孝事舅姑撫
十歲孤鼎安成立既婚鼎夭以從姪嗣鼎後姪
又死無後守節五十年卒

金氏吳鼎年妻二十四夫歿撫遺孤鈞成立守
節四十七年卒

朱氏張錫山妻二十九而寡子能久僅二齡長
養婚娶子媳相繼死復撫遺孫三人守節五十
四年卒

沈氏監生陳淑妻年二十三夫亡無子家貧紡
織以給朝夕督學竇光鼎旌額曰貞節可風守
節六十一年卒

吳氏高松翰妻年三十夫亡子紹基生甫六月
苦志撫孤守節五十四年卒

沈氏王先妻年二十五而寡夫疾革時倦倦以
老母爲念氏承夫志勤鍼黹養姑繼子以延宗
祀守節六十三年卒

金氏監生徐仁溥妻驛傳道南鏃女年二十四
夫歿無子勤儉清操撫姪孫勛焯教育婚配俾
入太學守節五十四年卒

陸氏監生徐仁澣繼妻年二十七夫歿撫前妻
子棠成立守節四十七年卒

盛氏顧乾初妻年二十四夫歿食貧撫孤備嘗
艱苦守節四十九年卒

楊氏沈嗣豐妻豐客死粵西氏年二十七長齋
繡佛足不越戶口不見齒依姪庠生發以居守
節十八年卒

汪氏鮑霍妻年二十七而寡無子生二女家貧
脫簪珥以殯殮葬夫於祖塋爲二女擇配兩壻
復天孤苦無依守節六十五年卒

趙氏施補庭妻生員趙良嗣女二十五而寡孝事翁姑鍼術度日無嗣守節六十年卒

李氏徐鳳奇繼室年二十七歸徐撫前妻女如已出氏孿生二子年三十夫亡喪葬拮据盡禮長子秉仁早世次子秉義入太學旋歿偕媳吳氏苦志撫孫守節五十四年卒

姚氏施潮平妻松江庠生書孟女年二十九而寡孝事翁姑遺孤煥章生甫一月撫養成立守節三十七年卒

平湖縣志

卷十五

人物

列女

五

張氏吳則遠妻遠籍錢塘行藥於湖遂家焉夫亡氏年三十遺一女二男紡織撫孤長養婚嫁守節三十三年卒

徐氏張復源妻嘉興庠生雲期女源家故貧廟見後售奩產以償逋年二十九夫亡事姑孝作通草花鈿供甘脆居近市蓬戶繩牖里黨罕睹其面子二守節二十三年卒

姚氏沈五妻年十八夫歿遺腹生子父及翁皆農而貧翁欲奪其志不可苦節數年值歲祲歸

父家父又欲奪其志詎詈捶楚甚至擯諸河子復不肯不克養母氏勤紡織以食守節二十八
年卒

徐氏陸金生妻嘉興庠生元宗女年二十四夫
亡無子事寡姑曲盡誠孝姑幾不知無子之苦
守節二十六年卒

倪氏程子高妻年三十而寡事姑盡孝飲食湯
藥嘗而後進母病胃已絕刲股以進病遂痊守
節三十七年卒

平湖縣志

卷五

人物

列女

六

張貞女庠生一揆女許字馮錫祚年二十三未
婚祚歿聞訃奔喪矢志不貳事翁姑如子撫九
歲姪思禮成立守節三十六年卒

繆氏馬亦君妻二十四夫故撫姪憲雲爲嗣守
節四十九年卒

朱氏陳第妻年二十一夫歿事翁姑克謹撫孤
彭永成立守節四十四年卒

王貞女幼字王永高長子年十九聞夫訃過門
成服守貞二十八年卒

史氏張吳泉妻年二十結褵三月而寡事姑盡孝撫姪光宗爲嗣守節五十一年卒

姚氏沈端宸妻年二十贅壻於家二十九而寡女紅度日營葬兩世苦節四十二年終女嫁朱廣佳二十一夫死撫遺腹子維蒸勤紡織養邁翁生事死葬無缺禮以勞瘁卒守節十八年
虞氏楊書田妻秀水元榜女年二十八夫亡子作棟甫二歲氏孝養翁姑撫孤成立家貧鍼黹度日守節三十二年卒

平湖縣志

卷五

人物

列女

七

章氏張壘繼室二十八壘歿遺子女各一撫育婚嫁營葬翁姑守節三十一年卒

沈氏候選州同王元嘉妻年三十夫歿子棟九歲女六歲孝事舅姑拮据喪葬猶子二人幼失怙恃撫如己出守節三十三年卒

計氏生員張芳洲妻年二十七夫歿遺孤甫週歲事翁撫孤日勤織作守節三十年卒

方氏曹介錫妻年二十六夫亡繼姑悍謹事之撫育子女積勞成疾守節二十年卒

劉氏馮季申妻年二十七夫亡二子一女尙幼
撫二子俱成立女嫁庠生劉澄氏煢煢孤苦爨
烟常不繼守節二十二年卒

許氏曹芳宣妻宣航海漂沒氏年二十八矢志
守貞躬親紡織中年喪子復撫遺孫守節四十
五年卒

聞人氏徐層山妻二十二歸徐五月而寡以姪
步青爲嗣姑病癩曲意承侍步青死以姪孫士
超繼之守節五十二年卒

平湖縣志

卷十五

人物

列女

八

鍾氏姜公斐妻父病刲股以療姜聞其賢娶之
年二十二夫亡撫姪芳英爲子長養婚配子媳
復夭遂鬱鬱死守節四十五年卒

許氏候選州同鮑懿瑞妾年二十四生子諄僅
十四月瑞病劇勸之嫁氏曰吾婦道無虧豈以
妾也而輕之遂矢志撫孤日勤操作守節五十
二年卒

楊氏許貞觀妻年二十于歸甫一月夫泛海死
父母迫之嫁慟曰夫存亡未卜何遽令我他適

遂不敢歸寧守節十四年卒

陳氏倪雲龍妻年二十九夫歿翁與本生翁姑俱耄子省垣嗣長房遺腹生次垣家壁立晝夜紡織延師訓子費俱出十指守節二十年卒

羅氏張履仁妻年二十八夫歿無子服除兄邀歸勸之嫁不從墜樓幾死還家截髮毀容遂與兄絕履仁弟遇春與兄相繼歿妻彭氏年二十三止一女二嫠同居鳴機達旦羅氏守節四十年卒彭氏守節四十五年卒

平湖縣志

卷十五

人物

列女

九

孫氏朱彥揆妻年二十七夫死餽粥不繼取給於十指督學竇光鼎旌額曰栢舟比操守節四十七年卒

葉氏鈕九觀妻年二十五夫歿誓以身殉既終七伯以餬口艱且無子令改適氏痛哭一日兩眶出血至晚自縊死知縣方以恭義之旌以烈節維風額

徐氏徐元文妻年二十五夫歿姑老子培甫三歲次子遺腹生家故貧躬操舂汲奉養孀姑守

節四十八年卒

楊氏史滄洲妻年二十三夫亡事姑盡孝撫姪積鏞爲嗣守節四十二年卒

陳氏顧履中妻年二十九夫歿子文炳甫七歲姑憫其貧依長子以食氏晨昏至寢所問寒煖進甘旨退勤女紅鳴機達旦子稍長業賈媳亡遺穉孫氏保抱之守節三十三年卒

方氏顧闇如妻年二十五夫亡事舅姑盡孝撫姪敬修爲嗣居姑喪過哀遂不起守節三十二

平湖縣志

卷十五

人物

列女

十

年卒

姚氏庠生沈鴻杰妻庠生顯宗女年二十四夫歿孝事邁姑撫育幼女無子附祀大宗守節三十五年卒

揚氏蘇州人本姓沈從其母姓揚年十七爲國學沈崑妾仍居於蘇二十三而寡母欲奪其志不可撫所生子歸湖守節三十三年卒

趙氏徐若衡妻年二十一夫亡無子僅一女撫姪爲嗣守節三十三年卒

沈氏史見山妻監生成龍女年二十一夫歿止
一女撫姪爲嗣家貧紡織度日孝養嫠姑子歿
復撫孫姑歿節衣縮食以葬守節四十年卒
馮貞女戈南吉聘妻年十九未嫁夫死過門成
服因翁姑俱歿遂居母家以姪君錫爲嗣守貞
十五年卒

唐氏監生馬潮妻太學秉鈞女年二十七夫歿
無子姪天榮甫彌月卽撫爲嗣俾入太學守節
三十六年卒

平湖縣志

卷五

人物

列女

十一

黃氏沈鴻猷妻年二十八夫亡撫姪鳳其爲嗣
入學成婚子媳相繼死遺孫二歲時抱而泣致
失明守節三十六年卒

黃貞女蕙雲父黃漢晚年所生不數年父卒女
依母及兄嫂居兄復歿女曰母老矣兄亡孤幼
誰歟侍膝下矢志不嫁奉母以居歿年六十四
歲

鄭氏張士相妻年二十四夫歿孝事寡姑撫遺
腹子天生教養婚娶子又死悲鬱成疾守節二

十二年卒

全氏張鈞鳴妻年十九而寡遺孤倬甫十月矢志栢舟事姑克孝守節三十七年卒

莊氏庠生方泰妻年二十四夫亡止一女事姑克盡孝養姑歿拮据營葬悲慟喪明越二年遂卒守節三十三年

江氏庠生張玉衡妻訓導日潮女年二十六夫歿姑老子組修生僅六日辛勤拮据孝事邁姑撫藐孤俾遊庠守節二十一年卒

平湖縣志

卷五

人物

列女

十三

陳氏周懋嘉妻年二十六而寡事翁盡孝撫二歲孤猷爲成立守節三十六年卒

邵氏庠生朱鳴盛妻年二十八夫歿事翁及繼姑無間言課子志寧弱冠遊庠守節三十五年卒

陸氏庠生沈韞暉繼室年二十七適沈半載夫歿撫前妻子女如已出守節三十七年卒

劉貞女生員劉烜女年十八許字吳嗣荃荃夭女年二十三聞訃製服往哭誓不再適或以未

成婦諷女曰納吳氏幣卽吳氏婦豈以未成婚
異乃心乎立姪爲夫後年五十二卒合葬焉
姚氏陸魯巖妻年二十八夫歿家貧作苦議立
嗣以延夫祀衆以其貧莫肯爲後氏痛悼絕粒
死守節二十一年

陳氏沈之燦妻年二十八夫亡矢志不渝守節
二十年卒

陸氏施大受妻年二十三夫亡一子復殤氏矢
志不渝立姪義爲後孝事翁姑克成夫志守節

平湖縣志

卷五

人物

列女

三

三十九年卒

張氏監生魏士倫妻二十八夫亡無子矢志不
渝撫姪大均爲後督學王杰獎以冰霜勵節額
守節二十四年卒

孫氏候選州同陸文錦妻二十六夫歿無子撫
姪光洙爲後守節十五年卒

陸氏郡庠生沈昌期妻年二十七夫歿矢志撫
孤守節三十三年卒

顧氏楊蒼山妻年二十九而寡撫孤成立守節

三十五年卒

張氏生員陸鋈妻監生雲錦長女年二十五夫歿事太姑及翁姑養葬盡禮教子源濂俱遊庠守節二十九年卒

何氏陸信恭妻年二十三夫歿孝養邁姑撫姪桂爲嗣守節三十一年卒

李氏沈開基妻年二十六夫亡子銓四歲而殤撫姪元錫無異所生守節三十一年卒遺命以錫次子爲銓後

平湖縣志

卷五

人物

列女

四

汪氏孫季芳妻年二十七夫歿子女俱殤急營葬事飲食言語不露激烈意週七後旣葬服滿死

江氏俞蒼安妻年二十二夫歿事姑盡孝姑死無依歸父家晝夜操作親申憐其貧周之不受日寡婦不夜哭我安敢以口腹累人守節三十二年卒

朱貞女許字劉剛中未婚而夭女年二十五矢志從一時翁姑俱逝叔又夭無家可歸依母以

居守貞二十六年卒

程氏陸聲立妻二十四夫歿孝事邁姑子殤擇
姪德巽爲嗣竭十指所出葬三世守節二十四
年卒

郭貞女幼字張鳴九未婚夫歿年二十奔喪守
志立嗣祀夫二十九歲自縊死

沈氏周肇元妻年二十五夫歿撫孤于光成立
孝事舅姑不苟言笑勤女紅以給饘粥守節四
十八年卒

平湖縣志

卷十五

人物

列女

五

陸氏劉仲達妻生員宏圻女二十七而寡遺二
子大中大本氏抱孤泣曰天如不絕劉氏我暫
作未亡人三年以哺之服除謂二子曰今汝稍
長幸自愛我將從汝父於地下兒驚而啼陸曰
我戲耳至夜闔戶雉經死年二十九二子後入
武庠

蔡貞女幼字朱八慶十三爲養媳十五朱夭誓
不再適營葬翁姑幼叔裕隆庶姑嚴氏出嚴死
女撫之成立守貞三十四年卒

王氏顧炯妻年二十九夫亡家貧典釵殯殮遺孤維城甫三月氏撫養成立教之讀書得入庠督學錢維城旌額曰操凜冰霜守節三十三年卒

朱氏監生王棠妻年三十二棠死一慟幾絕慟定卽自縊救之復甦巾帶繩索時納於懷乘間投繯前後約七十餘次姑密防之得不死湖俗中元節有喪家例於前三日夜半招魂而哭氏忽給家人曰殉夫非勇今後當長齋繡佛立孤以綿夫祀稍不爲備竟縊死

平湖縣志

卷十五

人物

列女

六

沈氏洪印廷妻年三十夫亡守節三十三年卒
陳氏張建芝妻年三十六夫亡守節二十八年卒
傅氏魯御安妻二十六夫亡守節五十五年卒
俱貧苦無依冰霜矢志

顧氏庠生沈天銜妻二十七而寡事姑克孝教子鎮游庠守節五十二年卒鎮妻陶氏年二十一鎮卒苦志撫孤守節三十四年現存

胡氏監生劉聲夏妻太學巨川女年二十五夫

歿撫孤毓洙入成均庶姑遺子女氏婚嫁之守節十六年卒娣胡氏孝廉紹寧女適聲夏弟叔虔虔歿氏年二十八子女俱夭熒熒無依貞操不改守節二十四年現存

施氏候選州吏目何西齋妻葉氏其妾也西齋歿無子施年二十六葉年十八同心矢節事姑盡孝撫姪治爲子施守節三十八年卒葉守節四十五年現存

張氏曹鴻業妾二十五而寡生遺腹子秉彝與嫡張氏同心撫孤掬水爲飲採藿爲餐事嫡二十餘年無間言鄉黨兩賢之守節四十七年現存

倪氏張梅占妻年二十三夫亡子景垣遺腹生守節五十七年現存

戴氏庠生沈與照妻年二十九夫歿遺孤德秀甫六齡勵志撫孤教以義方紡績食貧親族推重德秀亦克自奮蜚聲庠序守節五十五年現存

顧氏李啓源妻年二十三適源三月而寡家貧作苦矢志不渝知縣劉雁題給柏操松貞額守節五十一年現存

費氏李廣妻二十五而寡奉養翁姑撫姪覲王爲嗣守節三十六年現存

沈氏林國泰妻年二十五夫亡孝事寡姑撫遺腹子世敬婚娶又天遺孫尙幼與寡媳相依家貧茹苦守節四十六年現存

張氏汪茂亭妻年二十七夫歿姑老二子幼氏孝慈兼至守節四十五年現存

蔡氏趙能山妻年二十夫亡無子孝事邁姑姑歿無依依母弟以居撫夫兄次子巨卿爲嗣守節四十年現存

王氏孫肇基妻年二十六夫歿事姑撫姪守節三十七年現存

許氏金壇妻年二十三夫歿子上鉉甫三歲撫養成立事祖翁姑及翁姑以孝稱守節三十一年現存

周氏朱鳴球妻年二十二夫亡無子勤紡織以養姑撫姪逸民爲嗣守節三十年現存

陸氏庠生馮鴻巽妻二十四夫亡奉事邁翁擇從姪世榛爲嗣守節三十三年現存

張氏任天士妻二十九而寡無子家奇貧晝夜糊寘鏹易食已啜粥糜以甘旨奉翁姑撫姪永言爲後守節三十二年現存

葉氏姜應洲妻年二十八夫亡無子以姪南崗爲嗣家貧拮据門戶事翁姑惟謹守節三十一

年現存

戴氏徐方舟妻年二十八夫亡事翁姑以孝撫子女各爲婚嫁守節五十二年現存

金氏彭琬亭妻二十五而寡撫子揆齋揆芳成立營葬翁姑守節五十五年現存

陸氏曹建才妻訓導祖元女年十九夫亡無子繼姪天培爲後守節五十年現存

張氏陶金相妻嘉善張禹言女年二十五夫亡孝事翁姑撫遺腹子溥親授句讀爲諸生守節

四十九年現存

陸氏姚永孝妻年二十六夫亡子岱僅四齡孝事舅姑撫子遊庠岱妻張氏監生雲錦次女年二十三岱歿遺子士清士勤教之入學陸氏守節四十七年張氏守節三十年俱現存

楊氏俞德安妻年二十一夫亡上有翁姑下無伯叔婦代子職竭力孝養繼從姪九錫爲嗣守節四十六年現存

馬氏戴宏士妻年二十二夫亡無子矢志守節志勵霜筠額獎之守節四十五年現存

姚氏徐上虬妻年二十四夫歿無子孝事姑嫜紡織度日撫姪慎言爲後守節四十五年現存
潘氏劉金臺妻庠生維清女年二十九夫亡孝事邁姑生養死葬咸盡禮教子大海入武庠守節四十五年現存

浦氏監生陸堂年妾年二十四堂年歿子書鐘僅三歲氏事姑撫子一一盡禮守節四十五年

現存

周氏監生許元斌妾嫡亡氏撫其子女兆銓等五人未幾元斌病劇憐幼穉無依氏以身任斌歿氏年二十六守志撫孤不食其言督學錢維城旌以節義雙高額守節四十三年現存
黃大姑農民黃梅伯女有三妹一弟先後夭殤女以父無子矢志不嫁父病侍湯藥不解衣帶父歿痛絕復甦喪祭如子禮母龍鍾多病扶掖不稍懈年六十五現存

平湖縣志

卷五

人物

列女

三

李貞女許字張兆清未婚而夭女年二十矢志守貞嗣子琦入邑庠守節四十年現存

馮氏曹本初妻監生馮玉菴女年二十三夫歿遵翁姑命撫姪元直爲嗣及長婚配直又早世立族孫福元於襁褓爲直後守節四十二年現存

葉貞女監生嘉蔭女幼許字高洽洽夭女年十六卽毀妝茹素明年洽葬女奔喪會葬守貞不歸守節三十九年現存

程氏監生鮑讓妻光祿典簿程本安女年二十
六夫亡子祖楷僅二齡女遺腹生氏事姑克代
子職教子入太學守節三十八年現存
顧貞女許字高楚玉夭女年二十一矢志不
移在室貞守父母歿依於兄嫂守節四十年現
存

張氏沈均德妻年二十二夫亡孝養翁姑撫遺
腹子聚寧守節三十八年現存

沈氏監生爰克讓妻年二十九夫亡孝事邁姑
存歿盡禮子志鳳尚幼撫之入成均守節三十
六年現存

平湖縣志

卷五

人物

列女

三

徐氏沈一鈐妻生員永清女年二十三夫歿無
子事翁姑始終克孝守節三十五年現存

俞氏林秉誠妻年二十六夫亡撫子兆蕙既婚
而天荒廬冷月破壁寒燈機杼之聲窮年達旦
守節三十五年現存

王氏時方來妻二十四而寡無子夫兄爲富家
司出納主人慕氏賢議聘爲繼室堅誓不從依

母紡織艱苦度日守節三十六年現存

馮氏孝廉巨欽女適海鹽監生吳文樑年二十
二夫歿無依歸依弟生員湛嗣子鼎燮長爲娶
媳卽卜居平邑守節三十三年現存

馬氏貢生陶兼才妻年二十七夫歿孝事舅姑
撫孤思入太學守節三十二年現存

徐氏生員沈鑄妻年二十九夫歿子泰洲生甫
六月氏勤紡織以奉姑撫孤成立守節三十三
年現存

平湖縣志

卷十五

人物

列女

三

趙氏張近山妻生員大忠女年二十九夫客死
氏孝事翁姑撫子岷懷成立岷懷復早卒遺二
子長殤幼病廢氏偕媳馮氏操作以供衣食守
節三十四年現存

劉氏曹大成妻年二十三夫亡事姑及太姑孝
養兼至撫三齡子德連比長娶媳連又天復撫
遺孫守節三十五年現存

劉氏方湛妻監生起龍女事庶姑克孝年十九
夫亡無子撫姪樹業爲嗣教之入庠守節三十

二年現存

孫氏職員張璽妻海鹽舉人孫鑑章女年二十九而寡撫二歲子士鏞入太學孝事邁翁守節三十年現存

徐氏何元亮妻年二十五夫亡翁售屋於人令氏僦屋別居逾數年翁餘資蕩盡氏迎養之翁歿殯葬盡禮撫弱女及笄嫁及廷儀依壻待老勤操作嘗曰吾性不喜食人之食從十指出者乃安守節三十二年現存

平湖縣志

卷五

人物

列女

二

沈氏監生鍾炳妻生員方蕙女年三十夫歿子志卓七歲志堅三歲氏痛哭忍死撫孤教養二子俱遊庠守節三十二年現存

高氏金其相妻年二十一夫亡撫姪應齡爲夫後入武庠守節三十六年現存

熊氏鍾繼善妻金山庠生一鶚女年二十二夫亡撫育子女織作苦度守節三十一年現存

王氏監生李鳳來繼室年三十夫亡遺子女各一子未週歲氏撫育及冠娶媳生孫子又天氏

催媳陸氏撫孫孫復殤於痘乃擇從孫崧爲子
後守節二十七年現存

陸貞女李清聘妻李天女年二十聞計製服奔
喪父母難之女曰委禽之先唯與否惟命今日
非父母所能制也衰經入門敬事舅姑苦志勵
節督學王杰以松筠節操旌之守貞三十二年
現存

金貞女陸聲遠聘妻年二十四未婚遠歿矢志
歸陸守貞陸故貧減衣縮食鍼黹所餘貯於撲

平湖縣志

卷五

人物

列女

三五

滿積十餘載得三十金葬翁姑及夫勞瘁致盲
廢與寡妹同居守節三十三年現存

顧氏監生湯德堅妻年二十九夫歿遺孤鎡僅
一齡教養成立督學李宗文旌額曰勁節扶風
守節三十六年現存

徐氏庠生黃潮妻年二十八夫歿子中生甫二
月紡績以奉翁姑教子遊郡庠守節三十一年
現存

陳氏沈薦王妻年二十九夫歿撫子萬安守節

三十年現存

奚氏職監孫桐曾妻年二十九夫歿于光裕尚幼事姑教子守節二十四年現存

顧氏汪南谷妻年二十七歲夫逋朱貞官錢貞官昏夜排闥辱罵氏恥受其穢言次日自縊死時乾隆四十四年二月十七日也本年題旌

以下四人
最後補纂

陳氏何上發妻十九而寡無出撫姪震遠爲嗣每夕紡車旁親授章句姑璋俱年邁奉侍唯謹

平湖縣志

卷五

人物 列女

三

乾隆戊辰歲翁其仁病劇氏割股和藥進乃瘳壽至八旬氏先翁卒守節三十一年

王氏李星若繼室結褵六載乾隆四年星若病歿氏年方三十上奉翁姑下撫子女子女又早天復繼夫弟之子琛爲嗣愛逾所生戊戌學使彭嘉其節孝給致孝延宗匾以獎之守節三十三年現存

施氏郡庠生陶棠妻年二十五夫歿撫子善事
祖姑守節三十一年現存

滿洲營節婦

佟佳氏正藍旗兵鄂羅春妻

李氏兵妞妞妻

劉氏正黃旗前鋒校蘇達妻

徐氏兵佈爾幾海妻

章京氏正黃旗領催雙頂妻

阿拉克褚氏正白旗領催福壽妻

楊氏兵鄔拉爾計妻

孟氏正黃旗前鋒阿機布妻

平湖縣志

卷五

人物

列女

七

劉氏正藍旗兵記孫妻

沙爾圖氏鑲藍旗領催朱爾泰妻

陶氏正白旗兵夫勒納妻

屠氏兵元保妻

畢氏領催昂色妻

覺爾禪氏正黃旗兵媽拉玉妻

壯佳氏兵進步妻

趙佳氏兵查庫納妻

劉氏鑲白旗兵牙爾圖妻

文氏兵旣罕泰妻

楊氏兵五十妻

馬氏前鋒七壽妻

吳氏鑲黃旗兵伍官妻

趙嘉氏正白旗兵阿布達哈妻

珠赫哩氏正黃旗前鋒常周妻

戴氏正白旗兵麻色妻

杭氏正紅旗兵色稜妻

婉顏氏正紅旗前鋒巴查爾妻

平湖縣志

卷五

人物

列女

三

沈氏正紅旗佐領拜思呼浪妻

何氏正紅旗兵穆江妻

趙氏鑲白旗兵滿丕妻

宋氏鑲白旗兵常泰妻

佟嘉氏鑲白旗兵碩色妻

趙嘉氏鑲白旗兵三產妻

納克氏鑲白旗兵福保妻

查庫塢氏正藍旗兵蘇赫訥妻

舒舒覺羅氏正藍旗兵遜泰妻

納克氏正藍旗兵竈壽妻

增增拉氏正藍旗兵圖福納妻

成尼氏鑲藍旗前鋒常德妻

卜氏鑲黃旗兵伊道爾妻

白氏鑲黃旗兵曼都妻

楊氏鑲黃旗兵巴查爾妻

何嘉氏鑲黃旗前鋒常森保妻

李氏正白旗兵黑色妻

石氏正白旗兵官保妻

平湖縣志

卷十五

人物

列女

三

鄭氏正白旗兵福壽妻

余氏正白旗兵墨稜泰妻

巴雅喇氏鑲黃旗兵車星額妻

佟嘉氏鑲黃旗兵伊成妻

瓜爾嘉氏正白旗兵赫滋妻

納喇氏正白旗兵驍格妻

劉氏正白旗前鋒四什妻

趙嘉氏正紅旗兵蘇格妻

圖爾吞氏正紅旗兵三格妻

佟嘉氏鑲紅旗兵南昌妻

餘帖爾氏鑲黃旗前鋒壽元妻

周氏鑲紅旗驍騎校謨垂妻

巴嚕特氏鑲藍旗前鋒西們妻

以上共五十七口俱係咨部題 旌